


文翰大成

四十三之四

五




漢書門			
類	號	函	架
三	七	四	一
一	四	四	一
冊	四	冊	冊
100			


內閣文庫			
漢	書	類	號
三	七	四	一
三	一	四	一
二	冊	冊	冊
三	二	冊	冊

元

內閣文庫			
番號	漢	3741	
冊數	100 (26)		
函號	362	68	



吳彥貞三首李粲然一首



文翰類選大成卷之四十三五言律目錄



文翰類選卷之四十三

文翰類選大成卷第四十三

左長史上海李伯興編輯

伴 讀慈谿馮厚校正

詩類 五言律

元

登武陽

劉夢吉

朝遊樊寺館晚上武陽城潮接滄溟近山從碣石生斷虹雲
淡白返照雨疎明且莫悲吟發樵歌已愴情

過奉先

閏遼承宋統此志亦雄哉置縣名猶在因山勢已摧百年元
魏史千古汝南哀華表鶴應有悲風海上來

雜詩七首

堯山唐故國淳朴帶遺踪種果收奴力開田享素封採收多
上藥景仰近神峰夢寐驅黃犢岩居一老翁

聞昔蜚狐口奇兵入擣虛人才九州外天道百年餘草木皆
成騎衣冠盡化魚遺民心膽破諱說戰爭初

冀北高寒境英靈海岳全斯文若程邵家世亦幽燕祀典今
誰舉遺經會有傳吾鄉此盛事瞻仰在他年

關嶺通山後風謠采路傍地寒人好壽草淺畜宜羊用水如
奴婢從川貯米糧西風如有約乘興即吾鄉

何事招提好山深馬可驅松巢低映帽竹溜細通厨霜栗千
封戶雲屏四畫圖冠巾如用我白鹿起規模

巖居訪高道少日在風塵回首話前事低眉厭此身江山資
或盜印畝化荆榛領取天倫重無君愁殺人

水繞千山合雲巖數畝荒初尋香有陣漸入翠成行豚竅依
危石牛蹊帶小塘團茅菴如畫可惜是逃亡

送文生

元裕之

今夜東山月隨人知幾程從軍少年事分手故鄉情渭水風
露早秦川烟樹平相招有仙掌無計與君行

倪莊中秋

強飯日愈瘦袂衣秋已寒兒童漫相憶行路豈知難露氣入
苑屋溪聲喧石灘山中夜水月到曉不曾看

寄程孫鈇安

御史陰功在兒孫玉不如已能騎竹馬想亦愛銀魚異縣關
山關衡門骨肉踈幾時從老舅盡讀外家書

少室南原

地僻人烟斷山深鳥語譁清溪鳴石齒暖日長藤芽綠映高
低樹紅迷遠近花林間見鷄犬直擬是仙家

送母受益

薄俗科名賤孤生志願違正須謀獨往何暇計群飛泌水真
堪樂荊州尚可依青山吾舊思此日羨君歸

三卿作

勝槩烟塵外新詩杖屨間偶隨流水去澹與暮雲還吾道三
臧口時情一解顏從今便高臥已負半生閑

十月四日往閩南

行路見新月獨行遠獨謠勞生塵奈晚色鬢蕭蕭野曠無
遺穗林林有墮樵回頭麥山嶺更覺馬蹄遙

憶賈君玉

許仲平

賈君清介士吾輩鮮能群守志王元伯甘負范史雲銅臺書
廢讀東郡酒方醺何日尋先約青燈共夜分

不寐

秋宵多感慨展轉不成眠老况青燈外鬢愁白髮邊蹉跎差
往事安穩憶歸年却起開門望霜清月滿天

觀漲

雨水添新漲陂湖沒舊痕人迷隄口路船上樹頭村歲事知
全誤秋耕未可論誰怜徭役外天亦恠深恩

喜晴

曉色開晴望春風破客顏綠紆東去水青起北來山魏府方
期往共城已夢還芳菲梅塢盛要醉竹花間

夜雨

苦雨變秋霖，入夜深亂敲驚。驚鴻脫清響，雜蟬吟往事。十年夢故鄉，千里心西風。助凄切，不管客難任。

登西城故臺

薰風不解愠，涼氣欲生秋。往事都成夢，離心祇自愁。蒼黃原上草，寂寞水邊丘。却憶家山好，言歸未有由。

觀物

萬物備吾身，身貧道未貧。觀時見物理，主敬得天真。心爽星辰夜，情折草木春。自怜斷喪後，能作太平人。

趙氏南莊

曉起北牕涼，清談戢羽觴。入簾花氣重，落地燕泥香。夢重山青好，吟邊白日長。秋風載書籍，相對築茅堂。

春思

張澄

一春常作客，連日苦多風。野樹淒迷綠，簷花暗淡紅。愁隨詩卷積，囊與酒尊空。巢燕如相識，頻來草舍中。

暮春郊外

許益之

行多勝事石竇濺，流泉白鳥浮雲外。青山落日邊風平，花委地野迥草連天。春事成牢落，人生一盃然。

次韻丘巨道

汲時能幾蘧，夢未醒自怜。頭染白誰解，眼垂青心事沾。泥絮生涯逐浪萍，何人可私淋。諸老漸凋零。

題營丘山房

危太樸

太岳流芳裔，何年徙顛州。殊勲思尚父，室表營丘故國兵。戈後空山草木秋，穆陵關北路風雪近曾遊。

送吳宗師南祀歸知一首

鄧善之

國老分苑社祠官使星鶴書采澗谷羽節動仙靈寸草春
逾碧黃花晚獨馨真人猶五采歸受蓋珠經
草木南薰候神仙上界官平生脩月斧萬里御風翰江雨鳴
星劍涼空憶露盤白鷗秋水外相與醉凭闌

落日

杜伯原

雲霧紛_々起紅輪又墜西向曾聞野馬今如悟醯鷄儒術真
何有天經亦自迷誰能江海上相與傍鳥鷺

贈昌禪師二首

明星雙闕曉白露一庭秋嘉遯終相與清言獨未休雲霞雖
異色江海本同流妙絕陽春曲非師孰倡酬
中原萬里路杖錫欲言歸碧樹秋風急蒼山落日微塵埃從
此遠儔侶足相依江關何時到天邊一鴈飛

和袁集賢上都雜詩十首

柳道傳

出塞行瞻日翹朝喜近天離宮開苑囿馳道絕風烟瑤水巡
非遠峒山歷更綿甘泉多法從獻賦憶當年

雨水漸衣黑雲砂際日黃咽開綠黯慘日出已蒼涼徇俗高
簷帽清心小篆香端居萬里念蕙草惜微芳

昔建寰中業初開徼外山雉城平兀_々沙水淨灣_々朱夏宸
遊正清秋武衛閑叨陪文學棄空愧鬢毛斑

謠俗隨方異溝途隔舍迷醺人惟馬漣勸客有駝蹄殿角孤
花靚城隅雜樹低天涯中夜舞如意昔曾携

天潢猶白_々雲幕故青_々積潦摧車軸高風隨箭翎宮塗丹
赭聖殿_々紫金釘女樂蓬萊秘京簫動杳冥

幄殿層雲障轅門積雪峰奇鷹_々戴角御馬盡飛龍瀚海將

臨幸云亭望涉封青丘大羽獵有事待玄冬
曹務唯章句官規自法程齋扉侵雨潤宴几得風清歷之三
刀夢行萬里城明年遂畊隱深伏酒為名
經遊還絕塞際遇復清朝大暑無蒙絡輕寒已御貂盤空齋
屢薦觴至酒頻澆貧病諳為客何慚帶減腰
公子青絲轡王孫綠憶車宴酣風小定舞破日西斜手擲宮
中果神行海上查築郿無自辱儉德不期奢
水草方善弓孤戶便合圍連婦女從戎到曾玄雪毳千
家帳水瓢百眼泉浚稽山更北長望斗光懸

遠觀亭三首

周景遠

徐君因仕宦便欲老江南風土知為美人情亦粗諳買田收
黑黍為圃樹黃柑我有相從意羈栖力未堪

結構開青野回環俯翠岑雲留芝樹樞草長繚垣深共愛閑
居樂相依歲晚心春醪求善釀過日許同斟
遠觀亭上望風物六朝餘古寺荆王宅荒塚謝傳居英靈傳
草樹冠蓋逐丘墟欲問當時事飛雲滅大墟

寄東宮

李道復

艱危勸扈從俯仰盡周旋小試屠龍技翻成抱虎眠鈎魚
縱壑漏網鳥冲天萬事後今始灰心未死前

進詩

十年陪碩問一旦決安危自合成功去應漸見事遲長城徒
自壞孤注莫相疑辟穀求仙者高名百世師

偶成

日午山中道停驂進步難鱗侵苔徑滑風入毳袍寒在國終

無補全身尚未安一杯茅店酒強飲不成歡

寄暢純甫治中

姚端夫

欲聞真息耗無使梓潼來烽火平時報田疇亂後開徒歌王
粲賦不直士元才遙憶牛頭寺思親日幾迴

輿病高崖道中作

役之乾坤遠栖之道路頻五年三入蜀十夢九歸秦瘡鬼偏
凌客山英定笑人無勞問前渡祇覺白頭新

舟達黃溪

草木隨寒暑殊方榮悴同若吊華兼露白檉葉未霜紅日月雙
飛鳥江湖一病翁晚來沙嶼上愁坐獨書空

發舟青神縣

青神開百丈江岸轉荒涼群荔緣松起蒺藜並竹長深披豺

虎徑毒犯虺蛇鄉何莫非王事牽夫可惋傷

感事

致位丞疑地夔龍伯仲間星當朝北斗日已薄西山取謗因
讐惡貪權失巧閑此行雖鐵甲未足比慚顏

病中齋居

安熙

多病交游少相看動泱辰賦詩聊遣興觀化足怡神問字有
知己過門無俗人伊誰同此樂願卜許東鄰

岳陽樓待渡

高思恭

楚水凝千里湘雲隔萬層城高秋浦月星雜夜船燈旅况天
誰管年光鴈可憑殷勤澹山色相送過巴陵

杭州寄壽甫

黃晉卿

尊酒何人共春光著處同乾坤容野馬歲月失飛鴻俗眼能

無白風花故自紅殷勤常處士我已負諸公

陪仇先生登石頭城

談笑逢諸老登臨失故亭薄遊成汗漫高步覺玲玕江近通
淮碧山遙入楚青平生一杯酒及此慰漂零

五月廿日

不擬夫容佩終焉掛寂寥百年多事始千里一身遙巢燕驚
華屋鞠鷹望碧霄蒼叢挂樹愁絕小山招

谷壽南

坐對蕭蕭雨兼懷情之憂相逢初似夢有句若為酬沙冷藤
蕪夕天高蕙荻秋惟應千載意未敢付沉浮

含香道中

殘日亭猶遠輕風帽易斜稻畦低沒鶴草徑曲行蛇經世

無策謀生會有涯殷勤理黃菊留眼待秋花

泊舟湘岸

李子構

長沙今在眼青草舊知名二月風檣疾三湘雪浪平藤深帝
子廟花發定王城莫艤江南岸啼鶻處之聲

遊山寺

行行行復止行到白雲間見客意不俗逢僧心便閑細泉分
別澗小逕入他山擬借禪房榻追遊信宿還

名酒

虞伯生

名酒不可得幽花誰送來秋霜垂鬢髮夕照在樓臺盡日山
公醉何年庾信迴喚人吹玉笛移席坐蒼苔

酬上清道士鈔陰何詩

殘雪松上落輕冰硯裏生寫詩過夜半欹枕又天明少陵愛

竹遜太白似陰鏗不愁勞弱翰亦足助高情

應制題王肱畫吳王納涼圖

雨過太湖上風生響舞即紅綃拂几席白紵製衣裳朱光淪
尊地明月在高堂何以保玉體長年樂未央

送長沙守

白髮長沙守循良又好文近辭金馬去遠有玉魚分對竹聽
湘雨開簾看岳雲漢廷思賈誼一飯莫忘君

代衆仲作

昔在泉州住將軍每見招春雲山對屋夜雨水平橋池鴨穿
荷葉溪魚上柳條禁城鍾鼓起車馬晚蕭蕭

送王照磨之官雲南

貝廟珍珠浦歸舟楚道寒

丹鷲祠官勝碧鷄題詩遠相送紅日五雲西

八月八日有感題視草堂壁

載筆趨芸閣探囊索縕袍坐銷秋日淨心折夜風高識字頭
先白謀生計轉勞文園多病渴常想賜蒲萄

次韻馬伯庸少監四首

仍歲從巡幸山川識重臨講帷來濟水馳道止駸之五月衣
裘薄諸生坐席深歸耕何待老莫問一疏金

移蹕宮城曙煙花繞閣重來王俱屬籍稱使不傳烽賜席還
親問囊書更手封恐煩宣室召眈目轉蒼龍

臣甫多愁思長歌拜杜鵑巖崖通閣道積水放樓船惆悵霜
橫野棲遲雪滿顛經行看宿草碧色自年年

太平知永日漸老惜芳晨論說慙孤學推揚負相臣退思常

感慨拜賜每逡巡郊藪多閒地餘生託鳳麟

奉別阿魯灰東泉學士遊甌越

憶昔同經幄春明下玉除掛冠俄去國連舸摠盛書筍脯嘗
紅稻蕝羹斫白魚莫言江海遠咫尺玉堂廬

送先隴二隣僧還吳

蘭若背山陰松筠夾迳深門閑容虎臥湖近聽龍吟兩過泉
添澗風飄磬出林衲衣皆舊識一二謝幽岑
東嶮憶招提幽尋日未西過山隨虎跡倚石待猿啼雲外催
歸錫松間覓舊題卜隣居欲老毋惜伴扶藜

雲岩樓觀

高閣丹青起中天紫翠分幽當太白雪門俯九疑雲伐木山
人去吹簫帝子聞塵中歸未得春思轉紛紛

雪谷早行

積雪擁柴門行人稍出村谿頭或遇虎木末不聞猿接棧迴
山角支橋就樹根駘車上重阪回首見朝暾

次無疑韻

酷暑秋仍熾幽花晚自香誰將百年意共付一匳涼事業青
燈舊心期白髮長山林儘迂闊江海正蒼茫

送蘇子寧赴嶺北行省即中二首 袁伯長

貂帽護寒沙水天閱歲華斷溪駢聽水密雪大行車雲盡難
尋鴈春深未識花昔人奇絕處八月解乘槎

往歲經游地寒蕪碧燐深雲開山後陣水咽隴頭吟雪白羶
房重天青羽檄沉重華新雨露悲喜候車音

石田山居八首

馬伯庸

甲子人愁雨河田麥已丹歲凶捐瘠衆天遠禱祠難賈客還
沽酒王孫自飽餐更憐鰥寡面征戍出桑乾
積雨衣裳濕愁人是麥田泥將深沒馬霧欲墮飛鳥舉火勞
薪盡家居老屋穿墻根雜蛙蚓擾買繫籬船
光山風製錦潢浦荻飛綿秫熟何論酒魚肥不計錢卜隣多
野老求藥有神仙為客留羹筍清晨步石田
四月淮天雨清林蔭碧池筍香隣瓮酒禽響客牕棋田鼓春
迎社鄉巫夜賽祠漸知飄泊久自覺是農師
無麥夫何極吾憂隴畝空豈能驅盜賊得忍鬻兒童茶麥充
腸饑焦蘇救口窮無端縣小吏召役到疲瘡
作客何多意淮南即是家自牽蘿屋小不正葛巾斜書懶眠
尤熟詩來酒更賒春天雲嫵媚相對坐鷗沙

竟日無賓主山房一禿翁竹光浮畫碧花氣颺春紅田父分
雞桀隣僧與鶴籠時行親村履未覺坐書空
淮南窮僻地先世有林廬花曙鳴山鳥芹春躍岝魚鼓琴仙
度曲鍊杏客傳書朋舊如相覓休嗔禮法疎

卽中蘇公哀挽

墓門翁仲泣秋草九原深身世書盈屋鄉園樹滿林故人多
執紼令子蚤冠簪曾作陽關曲今成薤露吟

寄邵允文

故友多年別于今髮白無清秋江鷺浴長夏野猿呼官舍棲
書冊齋厨具筍蒲知賢不能薦羞澁望東吳

癸酉除夕

劉師魯

此夕何多感明朝過六旬乾坤又元統人物少咸淳酒厭山

孟涿梅傷水國春
燈前曾戲綵回首一沾巾

早春述懷

春與年之別窮隨日之增眼明貪夜讀事少忘晨興倦鳥猶
遷木潛魚已陟冰栖遲唯故轍無夢到飛騰

金陵

陳剛中

六代帝王州寒烟滿石頭星河天北轉江漢水東流步絕金
蓮雨歌殘玉樹秋白頭有漁者猶說景陽樓

樓桑廟

古廟千年後桑陰滿涿州亂山空北向大火已西流遺恨三
分國英風百尺樓里人牲酒奠想像袞龍浮

建德溪行

鮮于伯機

山截溪將斷川迴路忽通鳥飛青嶂裏人語翠微中玄圃參

差是桃源想像同平生坐行役翻愛打頭風

游北山呈雲屋上人

竿確敗芒屨蒙籠礙箬輿半空橫鳥道絕頂見僧居興盡拂
衣下詩成借筆書弥天雲屋叟不見正愁予

贈永清曹縣尹

趙子昂

赤縣郎官宰清朝學士班雲端双履冷花裏一琴閒鴻鵠宜
天路麒麟近帝鄉無當後此召豈待及瓜還

送吳礼部奉旨詣彭湖

為國建長策此行非偶然止戈方見武入海不求仙朱紱為
即日金符出使年早歸承聖渥音像上凌烟

送翟伯玉雲南省都事

萬里雲南路青山落照邊省郎新紫綬幕府舊紅蓮見面嗟

吾晚觀文覺子賢
應清淋氣不受瘴溪烟

山遠

山遠黃沙暗溪長碧玉斜翻
引雛鴈聒之護巢鴉近水聞
香草臨風惜落花誰能歌白雪且復整烏紗

早春

溪上春無賴清晨坐水亭
草芽隨意綠柳眼向人青
初日收濃霧微波亂小星
誰歌采蘋曲愁絕不堪聽

春寒

夜雨鳴高枕春寒入弊袍
時光自花柳吾意豈蓬蒿
失色黃金盡知音白雪高山林
隱未得空覺此心勞

魚樂樓

樓下南來水清冷百尺深
菰蒲終夜響楊柳半溪陰
日月驅

人世江湖動客心
向來歌舞宴達曙看橫參

獨夜

生事憐吾拙懷人阻道脩
角聲悲靜夜燈影伴幽憂
水落紅衣老天寒翠袖愁
雲中有過鴈哀叫亦何求

聞角

吹角秋風裏邊聲入暮雲
抑揚如自訴哀怨不堪聞
老馬行知道孤鴻飛念群
祇今灞陵尉那識故將軍

贈權季玉兼簡李順甫

幕府文書靜湖山春事多
風烟歸逸興花鳥助高歌
自愧諸生後其如二妙何
卜隣應有日追食數相過

次韻秋興

搖落故園秋溪山處幽
無錢頻買酒多病倦登樓
文彩陶

彭澤丹青頽虎頭誰能混流俗浩蕩一浮漚

和帥初將歸見簡二首

戴子文章伯不為時所知朱弦非衆聽白壁受群疑海樹生
秋早江船慶越遲莫愁千里別要作百年期
我有幽憂疾非君誰與娛清談忘日夜高論列唐虞天地無
青眼江湖有白須客居寧鬱鬱歸興托萼鱸

贈李右丞

范德機

恂、李右轄行義古人期緩急倉公傳勤勞衛母詩滄波大
地轉白首老天知莫寫青田鶴鳴臯重我思

贈別徐教授之欽州

丁巳歲月莫悠悠閑塞長歌鍾疑旅宴舞袖拂征艎到日梅
菜春蕙草芳南金自惜重寄贈可憐心

王繼學晚過舍下翌日惠詩一章

平生病太史淺陋愧曹邦自足封函谷聊須墨受降黃鍾知
和寡口壁動成双天外誰招得清風滿八窓

和李溉之園居雜詩二首

圃色依簾障天光切戶庭草生連夜雨花落徧池星未遂翔
寥廓真堪托晦冥逢時須紫燕得意拂青萍
亦欲移家耳衡門斗極邊鄉心徵化鶴宦途帖飛鳶白日拋
書送青山拂檻延風杯自無已憶上五湖船

風雨

風雨忽如此空山方晝眠故應為計拙可復要人憐燈火鄉
村路棄麻杜曲田悠悠今視昔把卷一茫然

寄朱鍊師

仙人江上館帝子閣前村一去無消息三年廢討論雲深燒藥塢水近種桃源唯有清風至時時為掃門

題山居

平湖含白水斷听見青林籬落初秋氣雲山向夕陰養閑祇用拙避俗更懷深為問舟中客何如澤畔吟

夜坐聞故人消息

初過臈日雨况近早春天水澤梅花遠山亭竹色鮮故人經歲別昨夜有書傳又向東吳去依一萬里船

京下思歸

黃落薊門秋飄飄在遠遊不眠聞戍鼓多病憶歸舟疎雨昏過錄星達曙沐卿沐徐孺子萬口薄南州

晚過孔奉常

滄江一萬里書信近如何向晚客懷薄及秋鄉夢多故人相對藉並舍數經過但願長無事彤廷接珮珂

壬戌秋錄囚

曉發高平鎮前津路未分小橋烟外過杯水月中聞廟豹宜多隱豺狼不可群居人敵炎暑有竹連雲

八月十五夜

城上初聞柝天邊獨倚樓可憐今夜月還照異鄉秋燭暗頻移席簾垂不動鈎迴文機錦字寫得大刀頭

題幽居

王繼學

最愛幽居好青山在屋邊竹窓留宿霧石檻接飛泉采藥蟾奔月吹笙鶴上天世途塵擾裁句詠神仙

題玩芳亭五首

每憶城南路曾來好畫亭蘭花經雨白野竹入雲青波影浮
春砌山光撲畫窗褰衣對蘿薛涼月照入醒
何處春來好城南尺五天地幽迷曉樹花重墜春烟上客拋
羅袂佳人舞盡遊晚來清興熟移坐曲池邊
留客青春過題詩碧霧寒亂鶯穿舞障輕蝶立回闌白日閑
斟酒清時早掛冠主人多雅興不覺玉卮乾
拂拭亭前石東風屋角生淺雲浮水動遲日傍花明春去青
林合人來白鳥迎暮塵回首處此地可忘情
羨酒朝熟佳賓日來玉卮擎雨露翠袖拂塵埃預恐春
城閉先教晚騎回只今行樂地飛絮落莓苔

題郭忠恕九成圖

隋上好繁華青山作帝家雉樓曾宿鳳鸞樹不栖鴉池

春月簾衣織晚霞西風催別恨帆影到天涯

如武昌發臨川作

揭曼碩

江轉欲無路山回忽似圍客程秋共遠物色晚多疑稍
鷗集恣野樹稀武昌今夜夢定有故人知

石鼓

孔廟頽垣下周宣石鼓眠苔分敲火出雨洗篆螭涎野老偷
為曰居人打賣錢有形終一盡流落漫堪怜

歸舟

汀洲春草徧風雨獨歸時大舸中流下青山兩岸移鴉啼木
郎廟人祭水神祠波浪爭掀舞艱難久自知

和族子京城客思

歲月日夜去為誰催鬢華閑愁一萬緒強半是思家翠栢總

無態寒梅空自花京城豈不戀其奈故園賒

尋舍弟將至東伴宿野店

歲暮尋吾弟山行兩舍餘入雲攀磴道落日及村墟茅店溪
邊吟松林石上踈如逢武陵客風景未應殊

飲張氏別墅

楚國多才俊張家好弟兄出門湖水碧留客野堂清微雨鳴
踈竹寒烟覆古城園人隔畦語歲暮此中行

山莊晚立有懷舍姪贊獲臨川

歎黃桑葉蒼白竹峰居門爭野碓歸客背村鍾路暗緣
溪濕山寒著霧濃阿咸收稻未辛苦缺相從

不寐呈何太虛

萬里斜依僻四風細著人飄零知命晚半落葉家頭斷鴈

曾定鳴雞不肯晨何郎詩句好萬里獨相親

題先天觀齋

聞說先天觀重絕壁環鳥啼青嶂裏花落白雲間樵子能
長嘯居人識大還洞門無處認唯有水潺湲

送人之淮東

扁舟何處客此去飽經過彭蠡江聲合揚州月色多天低知
近海地闊欲橫河自是吾生拙如君定若何

登前丘作

閑登前丘望西北削諸峯轉覺天地肅因悲霜露濃雲閣何
處笛日落滿城鍾自笑栖遲者唯堪學老農

雙陸

三五對參差高呼得采時猶疑雙出早每恨獨歸遲散地偏

難入成功或誤音極知妨日力聊欲審安危

送鄉人祐上人從師歸當陽

學道玉泉寺從師天子都流年春事半歸路客帆孤山勢遙
連蜀江聲不入吳故園如可到種芋有遺區

南康夜泊聞廬阜鐘聲

廬山三百寺何處扣層雲宿鳥月中去歸人湖上聞入空應
更迥近瀑正難分遙想諸僧定香爐上夕熏

題先天觀圖二首

楊仲弘

高林寒翠氣虛谷散虹光道士多騎虎仙人自牧羊澗泉通
地遠山嶺際天長戴子文為記留傳示不忘
四圍山不斷狀若碧天容谷遠含風細崖深下露濃茂林蔽
虎豹陰洞伏蛟龍恍惚神人降浮空羽蓋重

寄劉師魯二首

好在劉公子遨遊興若何江湖勞悵望歲月劇奔波跡寄天
涯遠詩傳海內多前賢題詠處一一為經過
想君遊宦處正值洞庭湖落日波濤壯晴天島嶼孤舟航通
漢沔風物覽衡巫天下文章弊非君孰起予

初陽臺翫月

彩雲相冪歷華露共婵娟在水渾疑隨當空孰使懸潛蚪精
魄動宿鶴羽毛鮮寐丹臺夜相從訝得仙

贈胡汲古

野客何蕭散長年暫出遊風塵惟短褐江海自扁舟有跡能
來往無心任去留才名今籍甚屈指到枚鄒

送胡汲古之吳中

有客佩蒼精居然得此生山開栖越迹水泝入吳程伏老悠
悠計傷離戀戀情食菲方未已應不為魚羹

送詔父遊五湖

蕭蕭垂素髮渺渺泛蒼波過眼江山好離家日月多詩名終
不朽世事復如何一往五湖上蒼茫問釣蓑

宜遠樓

為接因地勢四面盡青山路落秋城外河流曉樹間鴈飛雲
漠漠龍見雨珊瑚連木光華盛何時共折攀

黃櫨杖

嗟哉黃櫨杖吾賴汝扶持未免道途苦無如筋力衰散才雖
不用大節固多奇老向江湖上提携得自隨

送吳清升

驛路程雖遠帆風勢甚邁青山隨岸去白水滿江流牢落添
新恨繁華憶舊遊六今歸去好把釣即槎頭

贈方詔父處士

蜀郡蘇明允襄陽之孟浩然成名兼二子得句詫群賢口絕人
間事身如物外仙卓然能有此未信獨無傳

送徐義父入京

幽燕向日邊裘馬去翩翩積迥沙如雪河窮浪入天上書雙
闕下待詔五門前壯節當奇遇無煩愧往賢

送孫大方歸朝元宮

高臥林泉表超然謝世紛空山鳴白雨古石繫蒼雲不作夔
龍伍甘從鹿豕群都門游宦客回首總慙君

斷碑

摩挲不成讀上有辭班字畫鍾王輩文章漢魏間龜趺周
鼎負螭首落孱顏渤海神明遠今同磴石頑

饒國吳文康公挽詩二首

厚德備天爵崇資拜地官粲然周典禮偉甚漢衣冠共喜懸
金印俄聞蓋玉棺史臣書寵數光照碧瓊玩
道學繇賢子推恩自聖皇白茅分壤土華衮賜衣裳漫注長
生錄虛傳却老方神游終不返瀛海路茫茫

蠹簡

往古韋編在何年始汗青蠹虫深卜宅科斗少成形泯滅隄
秦火搜羅出漢廷斯文天未喪不敢望全經

午日

黃松瀑

世故一炊黍吾生百鍊銅客情傷髮白醒眼對櫳紅遠岫冥

冥雨疎衣細風欲論千古恨不見楚南公

次王御史韻

薩天錫

江城連日雪騎馬欲何之老樹昏鴉集寒塘落鴈遲松窓燈
下酒竹屋夜深棋寄語王公子幽棲或可期

送宣古泉

鐵面小將軍旌旗照海門兵機出孫武膽氣走桓温社稷劍
三尺乾坤酒一尊茫茫天壤內此意共誰論

采石

客路青山外鄉心落照邊澗晴浮野樹涼雨過淮天水調誰
家笛雲帆何處船蛾眉亭上月今夜照孤眠

曉行鍾山

臺閣籠雲氣蒼茫第幾峰長松萬壑雨落月半山鍾石磴盤

空險僧廊墜葉紅
吾皇曾駐蹕千古說蟠龍

宿龍潭道林寺

倦游借禪榻客意稍從容
落日江船鼓孤灯野寺鐘
竹雞啼雨過山曰帶雲
春半夜波濤作長潭起臥龍

巳丑客洪

宋季仁

來魚龍國茫去住身
波濤江有怪風雨巷無人
落葉終為土殘花不籍春
浩歌成俯仰殊愧偶畊民

雨華臺

達德仲達名越士

漠平蕪碧蕭亂葉紅
寒衣上危石歆帽立西風
日月奔馳外江山感慨中
他鄉對零落那放酒盃空

送欽上人遊錢唐

淮南來往蜀惟我最相知
年少能持律心空不發詩
春永闕

聽處野寺獨歸時
遙想猿啼夜懸燈話所思

宿州作二首

陳子仁

名海號

郡秦名泗水城沛理相山
屏蔽江淮右文章繪換間
分田屯虎旅改邑築龍顏
梁楚紛紜華天公竟好還

春秋盟彼宿其地即無益
此宿城長慶邊淮戍建炎
民田惟種麥國賦半輸綠
亭扁扶疎竹雙碑洒子瞻

西坡即事

陳天錫

人境得佳趣青松處士家
成行看過鴈數點落歸鴉
風動竹凋葉秋高菊吐花
閑來媚幽獨吾志在烟霞

臨平書事

四月臨平路江蓮未著花
清風隨客棹綠水護僧家
對酒邀新月披襟挹彩霞
晚來堪畫處飛鷺下圓沙

季夏書事

歸夢遶滄洲胡為此滯留兩收三伏暑風送一帆秋汀樹層層出
鹽花拍拍浮相思千里月人在海邊樓

清明有懷

春愁禁客况夜夢繞天涯淋景隨流水歸心逐暮鴉看書翻
蠹葉撫空落燈花悵望松楸遠登臨起嘆嗟

艾氏遠樓

陳衆仲

聞子臨川上高樓萬里奔迎來時獨立心與日俱行野夕歸
鴻小溪晴落木明登臨何日共作賦寫平生

袁克中求母得之泉州

母子忽相見睽隔已廿年此時歌大隲昔日賦寒泉歲晚安
仁養平生絡繹賢清朝崇孝治得就使車還

題羅稚

雨氣通林壑

道人岩下去草屋樹邊涼斷岸入

秋水遠山留夕陽登臨莫

作賦游子未還鄉

七夕

傅與礪

耿之玉京夜迢迢銀漢流影斜烏鵲樹光隱鳳凰樓雲錦虛
張月星房冷閉秋遙憐天帝子辛苦會牽牛

中秋有感三首

萬里中秋月孤齋病客心庭闈兼喜懼書問隔浮沉地出四
江永天旋北極深蒼茫家國意搔首獨長吟

日夜瞻奎駕生靈係聖躬都門一騎至血淚萬行紅桂月虛
秋殿梧雲冷暮宮孤臣重北望掩袖立西風

翠華游幸北悵望感清塵洒竹啼宮女持弓泣野臣金盤殘

月露玉座倚星辰獨有龍香而氣長令草木春

桃源圖

聞說避秦地花開忘歲年偶逢漁父問長使世人傳五壑渾
疑幻林廬或近仙至今圖畫裡惆悵武陵船

憑高

世祖初開業安南早貢琛國蟠蝸角小地接犬牙深使節猶
頻入蠻兵莫見侵數州須極恤萬感寄登臨

薩天錫畫屏

入座聞流水開屏見遠山路通炮樹窈門對野橋閑拄杖晴
俱出漁舟暝獨還祇慙萬里客塵土汙朱顏

詰陳宗道酒不至淹高劉諸公坐

酒許今晨送燈從昨夜抱遣人聽繫馬留客過樓欄

同至劉伶與轉餘不成投轄飲悵望颯風沙

大樹谷新御史

大樹高風集驚潮靜夜來輪囷蟠厚地蕭瑟撼平臺雨暗蛟
龍出天晴鶴鶴回明堂須重負歲晚見奇材

酬王君實

聞道輶車出觀風處臨汶流春雨淨梁甫夕烟沉書到能
相問詩成想獨吟京華萬里客牢落損鄉心

港口曉行

早起星猶在前行路稍分人家隔樹見山鳥過橋聞澗響多
於雨林昏半是雲時逢力田者愧尔一生勤

臨湘

宿雨愁泥滑長途畏日斜黃歸幽徑犢青聚古祠鴉野屋時

依竹山園各種茶巴陵看漸近遙識故人家

柳先生祠

江抱零陵郡山藏鉅鈕潭古人如水去祠樹與天參述作籠
諸子風騷迫二南後來藉時譽吾輩得無慚

臘日入安南

冬入安南國雲迎使者軺郡聞秦日置柱想漢時標江路篁
猶籜山田稻始苗皇恩涵遠迹行役不辭遙

金陵晚眺

金陵古形勝悵望思迢遙白日餘孤塔青山見六朝燕迷花
底巷鴉散柳陰橋城下秦淮水年年自落潮

六月二十八日至京

使節違天書下百蠻雨蒸歸日路雲合去時山嶺表兵

猶動灤陽駕未還安邊數策在不得犯龍顏

送羅憲使

霍闕除書下三山繡使來荔枝迎馬折茉莉近人開輕策行
時把單衣上日裁不須愁濕熱冰雪滿烏臺

直沽口

海戍沙為堡人家葦織簾使催通漕米兵捕入京監解憲霜
時賤蚊愁夏夜添歸人倚船坐閑愛草纖纖

常寧劉百戶園林二首

少壯從戎事歸休遂野情鷓冠時自着龍劔夜猶鳴竹下思
羊仲瓜前感邵平知君縱幽賞心已薄浮名
春日名園好常時俗客稀樹間斜引徑花外別開扉沙鳥隨
行熟池魚上釣肥往來祗適興出處已忘機

蓬軒為吳僧元誼賦

張仲舉

縛竹作禪宇小於江上舟樹聲疑疊浪月影似中流興寄江湖遠身同世界浮懷師燕坐處吾道在滄洲

話舊送胡士恭之京師

話舊共蟬聯河橋且繫船春歸花滿地江闊雨連天處士題鸚鵡詩人拜杜鵑此生雖老去未敢愧前賢

送鄭喧宣伯赴赤那思山大幹尔桑儒學教授

野散千軍帳雲橫萬里川寒多雨是雪日近海為天黑黍甘供釀黃羊飽割鮮廣文年少客寧慮坐無糧

悠然閣為歙鄭處士作

鄭子林居好遙希靖節賢看山秋色裏把酒菊花前人境殊多事吾廬曾一天能知此中意何處不悠然

次柱德常僉院韻

禁欣同直高閑勝俗忙露花迎夕斂風樹借秋涼太史蘭臺筆即官粉署香時、鈴索靜有喜到崇廊

聞董孟起副樞乃弟鄂霄院判函訃哭之二首

天狗忽墮地兵生牙帳中寧為伏劍死不作倒戈攻故國魂歸黑平原血濺紅驚心激此變誰為貴元戎

群盜猶銅馬將軍真虎牙死當為厲鬼生不負皇家野色含沉日河聲怒捲沙征東失名將朝野共驚嗟

西內應制即事

烽火連齊魯干戈接隴秦四郊多壁壘萬里半烟塵將帥屯兵久君王遣使頻老臣叨視草進罷一沾巾

歲宴百憂薰心排遣以詩

世路正如棘吾生猶繫匏詩人歌蟋蟀軍士嘆蟪蛄無地營
家食何心解客嘲山林徒在眼難覓一枝巢

七月六夜對月

星會黃姑夕天回白帝秋明河初左界大火漸西流晚景逢
多故寒心集百憂山林莽寥落何處覓丹丘

悼太平公

晨起洒盃酒北風吹淚痕豈徒歌楚此端欲叫天閭碧化萋
弘血春歸杜宇魂千秋一史筆誰辨逐臣冤

大風

徹書風何急避行陵樹傍驚沙撲面黑野日映人黃科斗旱
未出粟留寒尚藏窮途淚易下不是阮生狂

寄雲門僧若耶溪兼題其松風閣

聞道耶溪叟高年出寺遲眉毫長幾許布衲破多時掛錫鶴
移樹翻經花滿池相望一江水歲晚赴幽期

過黃河二首

檣後風纒順桅頭日未斜舊河通瓠子新浪漲桃花得膽因
呼酒聞鶻更憶家迢、雲氣外北望是京華

食指朝來動行庖旅次添淮魚初出網野鴨乍幽藍新米如
珠滑香醪過蜜甜真成不負腹聊尔一掀髯

陪東泉學士泛湖

山靄忽空無春暉正滿湖船頭載家樂花裏駐行厨樂任喧
呼動歸從酩酊扶使君留客意更為倒金壺

題汪會語村隱居

聞道荆村僻幽居趣自成桑中豚竅晚芹外燕泥晴苔石留

僧坐山尊遲客傾，憑軒久不到，望得白雲生。

題太史楊公山居圖

湖上山居好，奎題壓翠微。烟霞改舊色，林壑發清暉。松晚看書罷，荷涼坐釣歸。圖中有真趣，須以掛朝衣。

伍牧 宋將尹玉援常州戰死於此

芒戰勤王事，精魂泣鬼神。城兵氣黑遺鏃血，花紅故老談亡國。明時錄死忠，長吟一搔首。落日鳥呼風。

九日行湖上

是節寂寥情，隨山得散行。西風片雨過，落日半湖明。野菊黃堪把，官醅綠可傾。坐來無限思，散入遠鴻聲。

莫矣

莫矣年光速，凄其世思多。半生縣磬室，萬事缺壺歌。禿木風難響，寒雲日易蹉。向來山處意，不決沙如何。

寄韓伯清

淫雨俄如此，能傷稼穡無。積陰霾日月，愁色滿江湖。老大心空壯，艱難道愈孤。美人秋水外，不寄錦襜褕。

送唐子華嘉興昭磨

甘允從

羨子才名久，人稱老鄭虔。風流今共識，政事昔曾傳。幕揮談麈移，家載酒船郡。城秋水，上相望，故依然。

送孫士元越州經歷

江樓酒欲醺，離思亂江雲。官舍山陰近，郵亭水驛分。聲華當衆望，資畫藉多聞。退食須行樂，裁詩熟和君。

秋雨夜坐

風雨夜，因急庭。惟秋思，多蕭蕭。聞落木，洶洶。度驚波，階濕吟。

蛩乱簷深宿鳥過青燈挑不盡無柰客愁何

我醉

何得之

我醉焉知老人扶不認家鶴衣飄月練烏帽墮風紗是處相逢笑醒來更自誇神仙豈無有死後上烟霞

薛薦

平生疎懶性發赤向人前豈識為官貴那貪處士賢慈親俱老大稚子始狂顛此日能完聚稱觴賴聖年

李翰林墓

宋子虛

一騎紫鯨去空掩謝山瑩落月今誰弔長庚夜自明乾坤沉秀氣江水帶哀聲天二多官府文章不可輕

銅陵五松山中

樵聲聞遠林流水隔雲深茅屋在何處桃花無路尋身黃松

上鼠頭白竹間禽應有仙家住辟秦來至今

華蓋峯逸人

十步九岩壑結茅無四隣山中春雨過水上落花新采藥逢毛女焚香對羽人時携一瓢酒醉著去朝真

遊天姥山

欲去不得路自將蘿葛捫相逢采藥叟偶入落花村晴草鹿眠軟雨潭魚上渾無人動烟火應取曉霞吞

寄王子長

薄宦仍依楚長間傍酒壚客愁三月盡春夢五更初吟卷看花捲行床並竹鋪江湖有佳句知我每相於

大口迎駕和觀應奉韻二首

余廷心

晨光開翠嶼廣路暈炎氛玉軼度流水華蓋爛垂雲既御天

宛馬還朝銀海君都人望旌
纛樂我歌采芹
仗出彈箏峽川原毅騎分天行肅大化時邁耀前聞整蹕傳
清道激吹入行雲日暮望雙開草木亦欣欣

賦得蛾眉亭送王德常御史赴南臺

江亭望華嶠望之似脩眉掃黛偏能巧含顰知為誰娟之微
雨裏脉、夕陽時千里乘駉去因之傷別離

長安陌

浩之長安陌瑤樓夾廣屜管駕鷹御溝上芍藥吹樓前駁馬追
韓嫣金尊約鄭虔功名有時有且得樂當年

賦得君子泉送彭公權為黃州教

君子沒已久遺井郡齋中本寓思人意兼全澤物功銀牀駁
故蘇玉甃落寒桐幾日趨官舍橫經誦養蒙

賦得春鴈送司執中之江西憲幙

春風起蘋末旅鴈尚回翔乳鴨嬌同唳新蒲短可藏應懷洞
庭水非避塞垣霜客路煩懷舊題書寄帝鄉

夏夜偶成二首

吳彥輝

有恨空憑檻因涼獨近楹雨流楓樹滴波碎月池明班女休
題扇緜仙約弄笙所懷今不見鍾鼓隔重城
樹鵲栖難定槐蟬噪未休露侵弦柱澁月映簾紋流年鬢空
嗟晚情懷預怯秋畫屏搖短燭獨坐數更籌

曉出錢塘門

成廷珪

出城聊適意草樹碧紛々一雨破清曉四山生白雲僧樓綠
嶺出樵徑過橋分明日重携酒來澆和靖墳

送郭仲安貢察院

捧檄上京華清才世共誇封章不起草健筆自生花燕市千金馬天河八月槎看君冠獬豸好為觸奸邪

草亭

彭元亮

白戶連清泚草亭如小舟都來一壺酒消得百年憂燕拂輕花過雲隨曲水流綠楊沉影處清殺兩鷗浮

溪亭

溪亭春草綠白鳥下初晴柳鎖長堤暗花搖深水明情之隔簾影嬾之聽簫聲自酌壺中酒無窮天地情

薄酒

薄酒歌明月清驕不解愁此心無險薄何處有忌讐春水涸青澗桃花繞白鷗乾坤如小艇罷釣足優游

青藜

青藜扶倦足芳草上步階雨過梨花盡鶯啼柳樹多人心海水世路有風波草莽非無酒傷春可柰何

書懷

王元章

名冕會稽人

世情多曲拆客况自堪怜聽雨愁如海懷人夜似年草肥燕地馬花老蜀山鷓冷淡無歸計蒼苔滿石田

從軍二首

瞿憲夫

名智崑山人

年少去從軍妻兒生死分弓開孤月影劔動七星文解識風雲氣能穿虎豹群不將身許國何以討功勛
破敵三營外城頭日欲低舉烽連磧遠戰氣接雲齊旌幟驚鳥起鏑箭雜馬嘶抵愁千里月少婦正悲啼

京口送戴壽卿之金陵學錄兼寄劉雲松

陳雲嶠

舊城至冶城山影碧峻嶂泮水春纔動雪壇價已增烏臺爭

薦鴟鷂海看飛鵬問訊雲松客清溪隱釣罾

至順改元季夏大雨幾月

孫元實

雨欲沉三版天應隔萬重元年書大水六月交窮冬消長閔
時宰艱危泣老農鮫龍毋大橫於尔卜豐凶

召命因赴省以母老夜至嘉禾驛二首

歲晚離家客更深上水船犬鳴營柝外漁唱驛燈前遠役關
慈母孤忠仗老天極知朱紱貴無奈綵衣妍

漢使徵求急潘輿定省類小人猶有母率土莫非臣歲儉盤
炊玉家貧酒泛銀自緣憂鶴髮豈敢逆龍鱗

次許廷佐喜見寺樓韻

張思廉

高樓名喜見遠客獨傷心鞍馬思劉備衣冠惜華歆曙光浮
海關秋色到江深送日關干久冥鴻入省沉

遣興二首

黃仲珩

滿目烽烟在經春血淚垂素無投筆志空有掛冠思江總真

能仕陶潛托賦詩獨餘心炯々靜夜月應知

牢落悲生計艱難嘆索居母兄皆寄食兒女久無書并邑女

戈滿郊園瓦礫餘傷心春雨過農事定何如

簡高僉事堯臣

薛玄卿

憲府開江左清明肅百曹朝廷任隱逸郡縣觀英豪必使民
情直瀆除吏弊牢馬周為善政今古尚持操

送李理問赴嶺北省二首

君向龍沙去迢々不計程關山殊漢苑河隴異秦城青草明
如塚黃雲屬國營盛年經此地往事肯傷情

畫省開邊鄙即官選俊才臂鷹過雁積走馬上龍堆氣候調

中律星辰接上台何當瓜及日却向晉陵回

燕粟捻管玩芳亭

粟氏林亭好飄借馬遊藥欄當戶密花逕近城幽未許朝
參懶聊為逸興留使君行樂處風物為春柔

出大江宿別浦

陳自堂

水宿乍移浦客程初望鄉江涵鷗夢闊天入鴈愁長漢月關
山白淮雲草樹蒼東流何限意歌枕聽鳴榔

先主

扶義風雲急投閑歲月長猶懷置嗣子豈要負劉璋討賊吾
誰遜遠天有併亡春秋復讐大萬古烜炎光

武侯

千載生諸葛餘才了十丕百年已蜀佐三代渭濱師禮樂無

興日乾坤有閔時豈留一字在不愧說兼伊

曹操

鹿去卯金刀當塗未敢高爭集猶在奕食馬已同槽身後三
分閔生前百計勞就如題墓上盜豹亦烏逃

司馬懿

本祖賊為謀聊同漢報仇機深螳後雀禍隱馬中牛夷甫無
專罪江生足遠敵誰開千古恨落日淡神州

寧海道中早行

徐立本

名孝基
章安人

中歲事行役勞生卒未休大星垂野白遠水際天浮土俗魚
鹽富民居橘柚稠何年謝塵鞅歸臥以林丘

送朱自明調閩憲掾

劉小齋

名鼎江
陰人

昭代急才賢君今甫妙年閩中烏府客江上米家船美化移

蠻俗清風斂瘴烟好尋京兆老珠重玉堂仙

刊中夜作

趙季文

身同南雁去回首意茫然酒醒家千里詩成月滿船河渾非
為兩岸轉欲移天夜靜晶河漢涼風自斗邊

過太湖

程彥明名煜維陽人

擊楫中流去西風客思催地吞南極盡波撼北宮回蛟館懸
秋月龍宮起夜雷濯纓人不見長嘯倒金壘

簡報國寺渭清遠

邵彥文名思文

聞說招提境空山紫翠中法王新象馭天子舊龍宮愛酒慚
陶令能詩憶遠公欲尋方丈室相續晉賢風

浙江亭

眼目錢江上千山列盡翠江上落海門青對長天

王道移家憶管寧臨風一惆悵沽酒慰飄零

次韻許錄事尋梅

曾模遠

訪梅幽勝地長憶在錢唐湖水孤山側石橋官道傍雪晴鷺
鶴集雲暖蝶蜂忙一吊林和靖墳前草亦香

次韻曾英山同拜先茔

拜掃先人墓傷心下馬陵霏々二月雨寐々九京燈坂遠水
平帖峰危石乱層蒼苔酌尊酒來此記君曾

送王宗文之武寧學官

柳山三百里君去政芳年詩思春雲外書聲夜雨前乾坤夫
子鐸歲月廣文壇况復興科目乘時各勉旃

乙未歲遣懷

梁祐之名天祐華亭人

四十今年是乱離生自憂身居南海上家在北山頭對酒心

先醉看花淚欲流時危賴支遁禪榻重淹留

輓邁里古思 董士明 名章四

大夫寧制虜元帥豈容文白髮難忘母丹心只為君虎狼千里戰吳越半江分落日孤城在忠良死後聞

次友人韻

唐室何多難詩愁杜拾遺皇天終厭亂聖德本無虧自比當年事空懷故國悲一般思弟妹不在漢鍾離

涼雨 許廷佐 名稱黃

火雲將晚滅涼雨忽西來天地秋先到江湖客未回思家空有淚憂國豈無才萬里關山道誰怜庾信哀

題馬文壁秋山圖 魯道原 名淵曲

野館空山裏林泉象以幽淡雲初霽雨紅葉早驚秋洛轉山

藏屋橋危岫倚舟直疑入境異便欲問丹丘

歎息 俞子俊 名俊

百年同轉燭五十始知非老病侵腰肢浮名苦馬鞞閉門羅可設今兩客還稀空羨茅堂燕翮人傍母飛

寄劉小齋 沈欽林 名欽

村迥落葉赤江空寒日黃野鴉隨處宿官柳自成行無路歸秦客逢人問楚狂長歌一回首悽惻向蒼茫

寄梁原衍 王道暉

歸泛好溪船看久又五年長竿和月釣短褐把雲眠紫蟹秋風裏白鷗春水邊箇中清興味杯酒自怡然

秋晚 趙心遠

一曲菱歌斷西風吹髮鬢秋隨荷葉老人對菊花閑鳥沒疎

烟外楓明落照間南山有秋色相對自怡顏

華處士別業

黃君瑞

迢々去郭餘渺々入雲斜桑採三番葉桃開二色花割溪鷗
作主分塢鹿為家時有巢居子相逢道喫茶

次韻塞上

李廣稱猿臂班超號虎頭三邊殺降卒萬里取封侯沙磧胡
雲暗郵營漢月秋曾經飲馬窟半是血骷髏

辟穀師

不食人間穀何嘗火後砂蒼岬朝燕日綠室晚噓霞鶴瘦依
雲氣蟬輕養露華定知生羽翼飛上太清家

題周欽道仰山圖

維賢能景行譬彼仰高山瞻望振衣處蒼茫決背間後昆知

尚慕先哲庶躋攀氣象若在多君非等閑

題疎齋吳氏深靜齋

避地閒心遠入山塵事稀書棚幽落蛙賓祀密生衣野竹秋
光薄谷禽春韻微殘經注未就頻歲掩重扉

送人歸臨川

何太虛

金河疎柳外去權嚮流漸為客有歸日送人愁別時寒雲隨
鴈遠南雪到山遲舊隱書無恙行藏莫預期

送吳主簿之官石埭

簿領池州去開帆帶雨微當令公事簡見說縣人稀雲入九
華碧鴈經秋浦飛丁寧橋下水官滿載書歸

絕江

挂席亂驚濤曾過此渡難潮歸揚子晚山入秣陵寒聽語知

鄉近忘年計日寬
穩行隨夜泊
烟火滿江干

哭岳王

宋梅洞

天意只如此將軍重
可傷忠無身報主冤
有骨封王苔雨樓
檣暗花風廟路香
沉思百年事揮泪對斜陽

西山道院

郭君彥

幽居絕瀟洒深院鹿成群
山色開窗得泉聲隔竹聞
猿啼臨水樹風送度溪雲
客至渾無事談詩到夜分

送泗州同知契世南赴任

夢裏三刀驅之官正少年
龍纏倚天劍虹遶載書船
淮泗名流振相澤政可傳
明時多氣稟賢見出英賢

留別

黃子蕭

相尋復相別把酒意如何
雲云有時合風雨無定波
此世無

對嵯峨長揖下山去暮烟浮文蔚

尋故人

適興一尋君君家在白雲
幽花春後見落葉夜深聞
隨意坐苔石呼童煮澗芹
不須談世事詩思正紛

送汪玉峯經歷

楊顯民

名門多簡牘從事總賢才
萬里乘龍去三年入幕來
山花催馬去江燕逐人回
便足寬民望即星出上台

精勤堂

草堂臨水掩烟樹隔雲生
曲逕花邊入深燈柳外明
春星垂硯小暮雪撲衣輕
輟觀書興聽雞已再鳴

題胡氏野閣

山近臨溪野川明背郭樓
野烟薰日暗汀雪帶冰流
鳥逐孤

雲沒天蕪遠水浮主人來往駛投轄為誰留

見月有作

宇宙開塵匣中天白露溥一輪今夜滿四海幾人看霧泛銀河濕星依玉兔寒素心同浩顧景在雲端

酬西竺上人惠茶

香茗天然味真從西竺來葉沉雲景見花破雪痕開有分思禪榻無心覓酒盃乘風欲歸去時復問蓬萊

秋思二首

李予翬

風動碧梧陰迢院落深綺窓微暝入羅袖薄寒侵塞鴈雲中影鄰簫月下音金錢聊自擲誰卜遠人心

綠鎖威蕤合紅闌窈窕通玉階啼絡緯金井落梧桐碧海青寫杏文梁紫燕空惟餘合懽扇零落怨秋風

絲樹燈初燼金蓮漏正長哀絃彈別曲舞袖拭啼粧蕙若秋風滿芭蕉夜雨涼梨園多白髮夢裡按霓裳

寄錙無作

舞臺依翠嶽歌館對青林風雨落花滿池塘流水深題詩脩竹裏酌酒古松陰衢路交輪軼誰知隱者心

春情二首

華星轉翠樓曙色上簾鈎花影重門合鶯聲小院幽繡床收燭釵羅袖拂香篝灑上風光好今朝結伴遊

烟靄碧沉沉粧臺晚色侵遊絲芳樹外飛絮粉牆陰鴈柱間來理魚箋暗裏尋惟應花底月照見此時心

題野橋茅屋圖

茅屋葺沙嶼危橋宛轉通溪平何處雨花落夜來風釣瀨思

嚴子遊山憶謝公斯人久寂寞千載意誰同

得共辰弟詩次韻寄安慶建寧二弟 張夢辰

三弟一書歸經年萬事違舟移安慶雨雲作建寧衣老去知
心少春還見面稀閑愁無着處開遍野薔薇

客夜

顧孔文

露下碧梧白風生玉籟幽關河今夜客天地十年秋鼓角悲
新鬼衣冠憶舊遊都將周顛淚洒遍黑貂裘

寓上藍寺和錙公輔

吳子愚

遠俗依蘭若清心愛竹房淨携蒼玉佩高臥白雲鄉近座天
花密開函貝葉香方庭涼月上隨意據胡床

題盛本初居易齋卷

自分驅馳懶那知踐履深風雲難強會箕穎亦何心齋之齋

門瑟悠了梁父吟周行信如砥吾道孰銷沉

幽懷

葉南有 名祀號 濟南

季子長游日張翰早見幾秋純侑魚飯霜葉滿貂衣詭遇遭
時寵才敵與世違予生傷往事甘老故山薇

野晴

陸子臨 名壽四 明人

鴈影鄉書外江聲客思中野晴秋穫竟村遠晚炊同松桂如
違約文詞任懶攻瀟灑吹髮雪又見荻花風

雪中懷揭曼石 楊漸

孤懷不可吞耿々向誰論開戶風驚竹臨墻雪滿軒蒼茫成
獨立溟濤入微言欲作山陰去袁安正杜門

亂中偶成寄表弟游伯玉二首 黃仲紹

戎馬何時息艱虞不自謀種瓜方乞地懷筆謾登樓隹秋

風急驚鳥月夜愁長歌復長嘆吾道竟悠悠
世亂群生促家貧百計難松明長照夜絺服不勝寒雲熟雕
胡飯冰生首霜盤親年已垂白隨意強加餐

寄黃存齋

葛元括

亂後群經在燈前兩鬢華著書思衛道避俗欲移家黃葉秋
雲淡孤村夜月斜欲尋三徑菊為待九秋槎

題桃源圖

聞說桃源境都無濁世塵雲霞千嶂錦草木四時春未許漁
郎問惟看鶴駕頻空令好事者畧画想清真

鍊牛

昔聞刀買犢今見鐵為牛但保成功在無勞掘地求山川千
古意禾黍大田秋邊鄙猶秘鍊仍同木馬流

春晚

吳伯慶

風雨春如客烟霞日似年鶯歌把酒聽花落抱琴眠樹暗蔽
書谷香流洗藥泉好懷無處說誰與繫江船

夏日

山木千章秀溪流一道深酒船迴洗馬書屋接巢禽水簾紗
厨夢風亭彩筆吟家童知靜趣不遣俗人尋

萬壽峯

削成天地始真時歲年多草盡長生種松皆太古柯唐星化
作石甲曆擲如梭望幸嵩呼久登封或爾過

偶興

園亭可永且花草自長春默坐觀群動潛居守一真先生于
此老來者更何人試問烟霞侶將非木石身

蒲石山房

月窟生九節雲根移一卷碧涵秋澗水翠斂夜窓烟早晚花
茸紫晨朝玉氣玄知應抱璞者于此引長年

訥齋

善閉非關鍵深潛有本源金銘緘自昔圭玷詠誰護莫與捫
三寸頃知養一元近為仁者宅予亦欲無言

余氏山南小隱

吳伯宗

萬疊雲山紆淮南好隱居竹深清野闊林響夜窓虛古巷多
回轍匡床剩貯書忽聞歌韻起白石意何如

混然亭

傅季生

虛構敞林園幽探極化原境融寧有象神會竟忘言聊復安
閑宴何曾異寐喧樂哉微醉後萬古一乾坤

清心堂

江上新堂迥心閒境自清捲簾欣退食臨水淡忘情花月含
空景松風帶鶴聲政成知有日塵慮久無營

逢里人自賊中還

一自風塵隔頻傷道路艱傳聞多死別相見却生還白日長
栖草青天豁度關不須談往事苦樂異容顏

題萬思濟竹雪齋

寒翠覆瓊花中林一徑斜雲深蔣詔宅溪向戴逵家蘄石晨
燒笋敲水夕煮茶高拱此君意清賞送年華

八月十五夜

劉子建

稍涼風勁迢迢海氣新如何今夜月偏照有情人治國思
良相無家憶老親醉餘歌更苦露洒一傷神

送楊文啓荊州教授

江漢接天流名藩控上游雲生巫峽雨樹隱渚宮秋典教推
文雅雄觀匪滯留揮毫尚有賦好在仲宣樓

衰完者公

劉用正

汝上孤城破將軍百戰餘敵勦非劇孟請援失包胥鼓竭悲
風勁弓摧落月虛水盤加劔處微纏重歎歎

姑山一首

黃元鎮

絕谷寒香遠陰崖翠色深
龍洞雲歸養鶴童誰能招我
閑來
拾烟梢

春雨南田書事

流水三椽舍桑陰五畝田飯
香分野雉黍
雲坐谿窓聽雨低
桃花川上
翠燕有釣魚船

春雨有感

賈蕪善

曉雨連山白春雲壓地
陰叢篁栖雀乱
落
江眼天長北關心孤桐
兩在壁忍操越南音

雪

朔風吹破屋曙雪下繽紛六合渾清氣千山盡白頭老蛟深
閉鰲獨雁遠呼群想像西湖路梅花瘦幾分

和年弟聞人樞京城雜詩四首

鳳詔頒初罷花陰轉玉墀
梅調鼎餽絲竹奏咸池
風靜爐
煙直雲開扇影移
紫薇苑下客爭賦奪袍詩

山勢北來遠洶流東去長
天堦羅虎拜帝室降龍祥
石鼓苔
痕碧金盤露氣涼
漸無董賈策三伏
獻明光

落魄南州士看花愧不先
未承金馬詔及見玉堂仙
日月開

雙關星河麗九天何階近帝衣身惹御爐烟
霄漢樓臺湧春風燕雀飛櫻桃臣舊賜首着馬新肥清漏傳
銀箭紅雲護衣窮經晚進士慚授一官歸

賦得上林鶯送張兵曹

春陰苑樹合日出見黃鸝圓声度繁葉沐羽拂高枝時節苦
易換况經多別離君子貴求友勿懷幽谷悲

再賦

春日陽關道鶯声滿上林來從金谷曉飛度玉樓陰柳嫩難
分色歌亭稍辨音明朝空解語人去落花深

重陽

蔣季和名惠番人

兩年重九日飄轉若風沙但愧搔蓬髮何勞問菊花寸心惟
戀關千里復思家莫咲陶彭澤無錢酒不賒

題黃節士傳

適值換槍際夫君遂殺身死為全節士生愧不忠臣仁義洎
當守綱常亦不論白衣能罵賊今古幾何人

春日口號

客底逢春日茆茨柰閨寡杜門寒氣盛入座雪花飄應候無
梅萼知時有柳條不才宜譴謫深負聖明朝

雪中

歲暮朔風勁朝來密雪飄浩然驢背穩韓愈馬蹄遙光炫花
生眼寒侵水到腰掩關煨楮拙愁坐首頻搔

雜咏

吳彥貞

草綠城春暮後今別恨深漂零雙鷗短牢落百年心未遂飛
騰志真成爛熳吟何如溪上客把釣夕陽沉

遊雲岩寺

寺古雲巖僻山深一徑斜
虛白懸玉塵勝地布金沙
嘉樹陰浮石踈梅雪作花
興來隨步舞無意問三車

過祝氏山居

捲謂幽居好林深窈不譁
看山宜晚翠種菊愛秋花
籠養山入鶴門停上客車
杖藜乘興處疑是子真家

悼程習軒 李繁然 縹緲號

忠壯宗風舊山林隱趣深
圖書偏有味軒冕本無心
萊篋多遺絲帚籬不貯金
陳原重回首草露在衣襟

文翰類選大成卷之四十三

翰類選大成卷之四十四 五言律詩目錄

元

杜仲梁 十首 游子敬 四首 陳克明 一首 羅徹 一首

施景舟 一首 龍舛昂 四首 吳立夫 一首 趙子玉 一首

王懋建 十首 裴汝器 三首 聶同文 二首 梁紹輝 二首

馬文璧 一首 錢思復 一首 丁瓊翁 十三首 張士敬 四首

徐伯通 三首 張子東 二首 夏伯成一首 胡伯友 一首

方德昭 二首 葉仲輿 二首 董鑑翁 一首 江彥章 一首

余正卿 一首 王升達 二首 程子正 一首 祝彥祥 一首

陳叔華 二首 何夢桂 一首 王靜得 二首 潘心月 四首

牟獻之 一首 薛宗海 五首 毛靜可 二首 釋天鏡 二首

釋古明 一首 楊煥然 六首 丁鶴年 十一首 葉景南 十三首

釋道原二首 釋立中二首 張惟中三首 釋法智一首

[Faint bleed-through text from the reverse side of the page]

文翰類選 大成卷第四十四

左長史上海李伯璵編輯

伴 讀慈谿馮厚校正

詩類 五言律

元

禹城道中

杜仲梁

自發醯鷄 覆蓬心得少 瘳乾坤一尺筆 今古幾全牛 歲月冷

丹竈雲山 笑白頭此生真欲上 何地不羸裘

病中枕上

忽卧幾 月遂成疎懶 名却因 病後更覺萬緣輕 月落凶

影動夜寒 燈暈生狸奴 似相 分坐守殘更

送信雲父

文翰類選卷第四十四

居士身輕日秋天木落時山青雲冉冉川白草離離涉世心
將破懷人髮已絲相逢琴酒樂應怪久違期

病中憶坦夫兄

共脫壬辰亂他鄉見愈親論才惟有子知己更無人避世相
看老通家未擬貧竹林平日約早晚得為隣

從軍

野闊牛羊小天低草樹平吳疆連晉境漢卒雜番兵月合圍
城暈風酣戰陣聲中原良苦地上古錯經營

雨中寄高元塵

久客饒孤悶連雲動浹旬行雲應已倦細雨亦傷頻飄泊嗟
吾道飢寒任此身人家酒應熟誰為問南隣

宿山金線泉

官舍值淫雨客衣驚早秋泄雲迷灌木行潦帶清流蛛網翻
新霽蟬聲咽暮愁古今何限事白首對滄洲

雪後書事

雪罷山原淨日晴風景新一川花氣午重壑水聲春天地開
華國關河失戰塵無邊春色裏惆悵獨行人

中秋夜宿普照喜周卿至

久客厭孤寂翫然聞子來夜涼風縮瑟雲破月徘徊舊事休
重說新詩且細裁幾年無此夕獨欠兩三杯

無題

老淚河源竭憂端秦華齊苦吟知有恨細寫却無題事與孤
鴻北身携片影西催歸烟樹外不用向人啼

次吳博士道人韻

游子敬

行色春將暮江流日復深艱危今古恨
相語山猿夜獨吟客愁渾未減雲樹晚
沈沈

富吳彥貞見訪

茅屋秋江上畦蔬亂水中鴟鴞號暮雨
能寄貧家酒不空干戈與衰謝此日意
無窮

答劉巨川

殺氣騰邊郡風雲會禁闈艱難震髮所
笏急秋空過鴈稀故人將避世何事檢
戎機

有感

誓與城俱沒狗軀報主知豈惟全士節
河壯名同日月垂至今章貞水鳴咽不
勝悲

唐子華畫山嶺閑情

陳克明

水繞溪頭石雲籠樹底花翠巒千萬疊
栽橘田平可種瓜飽溫能自足何必問
小工涯

曉行

羅敏

灑灑霜葉露淩淩雨後天林光紅吐日
無殺初心度自全哦詩穿疊嶂倚策聽
雨泉

寫興簡王茂建

施景舟

客路踰千里星霜已十周有生皆是累
蕭髮黃花淡淡秋長歌自排遣家釀待
新筍

春晝

龍林昂

碧樹含風細珠簾上日遲蜂歸粘落絮
人繡床後稚子移但休花裏去尚欠詠
春詩

潛夫

不管謀生拙從教咲我迂花因春去掃洒
中飯滄洲壁上圖幽賢自有適著論優游
為客來沽白石山

過西園堯隱君宅

晴日江村路尋君獨步來入門花映竹坐
留看丹經許借迴幽襟時一豁向幸數
陪

石門中流梵宇

江心波浪急毫相刹燈崇真戴神鷲固
上下人隔岫西東何異金山景香雲引
持法象雄水浮天

歲初喜大人回自嶺南遂携兒誤

此去知何處飄然惜爾年塵飛馳馬埒
攀外雲臺獻納邊文園寧久病要奏上
北行送之 吳立夫

送邵平村

趙子玉

雅二篇恐懼不敢進獻私願微聲聞于下執事庶宥罪戾以
明其心出位僭言惶戰交積無任踊躍屏營之至不宣宗元
謹啓

上李中丞啓

宗元啓宗元無異能獨好為文章始用此以
今者畏罪悔咎伏匿惴慄猶未能去之時時
舒泚幽鬱因取筆以書紉章而編略成數卷
章昇大僚統方隅而宗元幸緣罪辜得與編人
以此時露其所為以希大君子顧視則為陋劣而自弃也敢
歸近文及在京師官命所草者凡三卷合四十二卷不敢繁
故也倘或以為有可采者當繕錄其餘以增几席之污去就
鄙野伏用兢惶謹啓

上李太尉論北邊事啓

杜牧之

某啓。伏以聖主垂衣。太尉當朝。威德上顯。和澤下流。諸侯無異心。百姓無怨氣。星辰順靜。日月光明。天業益昌。聖化無極。既功成而理定。實道尊而名垂。今則禾聞縱東山之遊樂。後園之醉暢。惕若不足。兢兢而如無。豈不以邊障尚驚。殊虜未殄。防其入寇。猶須徵兵。伏以迴鶻種落。人素非多。校於突厥。絕為小弱。今者國破衆叛。逃來漢南。為羈旅之魂。食草菜之實。白髮驪駢之騎。凋耗已無。漣酪皮毳之資。饑寒皆及。寄命雜種。藏跡陰山。取之及時。可以一戰。今者度虜之不出者有二。時去時來。徇翔不決。必有所在。西戎已得要約。伺其氣勢。同為侵擾。此其一也。心膽破壞。馬畜殘少。且於美水豐草。暖日廣川。牧馬養習。以俟強大。此其二也。今者徵中國之兵。與

日暮風濤穩。扁舟泊此隅。雲山歸夢香。鄰舫語音殊。片月寒江永。平沙旅鴈孤。無才合飄泊。不敢恨窮途。

夜坐

歲事行將盡。寂寥無所歡。書燈茅屋靜。山月夜窓寒。旅况何曾好。人情愈可歎。亂離雖自苦。垂老值艱難。

山中滯雨

淅酒千鍾醉。衰年百念闌。山深茅舍靜。春暮雨聲寒。花事隨泥滓。苔痕上井欄。寂寥聞杜宇。羈思若為寬。

送憲使乃翁還

裴汝器

相國流芳遠。天朝錫寵佳。豸冠橫白筆。鶴髮映烏紗。樹繞襄陵道。舟經漢水涯。到家冬正暖。晝錦絢梅花。

四月十三日過鄱陽湖述事

鄱水新生處吾皇舊戰場龍精波底劍鳥陣水中航上將軍
湖口降王傳武昌乾坤從此定日月自輝光

送吳監生還四川省親

歸詔自天家還鄉路亦賒斑衣絢春草錦纜拂江花灩澦高
如象巴渝曲似蛇風雲今已際早為返仙槎

退朝口號二首

聶同文

清切絲綸閣逶迤錦繡城冠裳清淡入珂珮玉塔行為藥春
風軟蓄薇曉露盈退朝揮翰處同聽上林鶯
鍾鼓通殘宵十官都早朝雲開中侍扇日暎上公貂調燮多
巨履以履有常荒語方咸言四海一權諸

題陸循史思親卷

紹輝

霜肅三年魚鴈稀公餘陟屺處心切白雲飛

江上別諸友

邂逅秋江上衣冠捲不群少陵詩奪錦司馬氣凌雲魚水情
方得蘭金忍遽分相期各努力千載振斯文

題游彥洪池南書室

馬文壁

誰築池南室幽人自讀書竹光分硯沼花氣襲衣裾聽雨篝
燈後聞鶯對酒初長安遊俠客回首竟何如

折楊柳

錢思復

何處好楊柳披條送遠行花飛渡江水客醉踏歌聲秋色悽
榆塞春陰接鳳城一抹不敢折為近亞夫營

暮春即事寄吳月灣

丁瓊翁

三春餘十日四顧自傍徨道大乾坤窄人閑日月忙雨餘江

面開風靜麥頭昂池水供新浴歸筇柱夕陽

幽居獨坐

塘影深涵竹風香暗度梅開因無箇事清不惹纖埃應雨變
先潤隨風門半開送迎今似昔俗客自無來

謝周簽事伯溫景先樓

行年五十六光景似奔輪今古存吾道江湖老此身不從天
下士空作世間人細讀南樓記何當逐後塵

曉發南康

曉起江風急家半掩門鳥行沙印跡水落石留痕寺據湖
山景帆開煙雨村雲邊有五老氣勢鶴孤鶩

酒後感疾

百年誰自足未曉起匆匆昨日偶因酒今朝不可風世雖容

老拙才肯負英雄衰草斜陽外東風長舊叢

初度

運籌期決勝天地不偏頗且盡花前醉何勞棗下歌詩因春
去少客自日來多隨喜過初度功名柰命何

馬病有感

衰年怜病馬歲久老於槽萬里心猶在三春骨獨高屢嘗盛
矢溺刷秣滑皮毛四海俱寧謐餘生免汝勞

金陵懷古

佳麗金陵地人淳俗不移鄉音半南北地勢各東西薛祿陶
弘景題詩杜牧之鳳凰臺上望故國草萋萋

築塘

鑿沼因冬涸雖深未見泉春來一夜雨曉沒數層磚造化非

容易盈虛有變遷
息機甘學圃能事
恣由天

上清回至胡岩日晚遇雨

出山三十里坐石計歸程
雨重岩如應囊空檐已輕
林深天易晚泥滑路難行
雖是知時雨添愁到客情

送董宗文之瑞州錄事

文治衣冠盛民淳法令寬
在家為子易為國得人難
北關科賢士西江望代官
無由看撫字有便報平安

夜宴有感寄楊仁方

人老憂何事燈殘翳復光
自甘今夕醉不計少年狂
風月共千里親朋各一方
此時同樂否離思兩茫茫

使道 韓石麓以詩達之

羣動何曾息無營強自安
時雖分百刻日但飽三餐
富貴草

頭露衰殘井底瀾
悠然見翠鹿
興上毫端

選丰宅

張士敬

罷綉金閨窈窕芳
年惜物華卷簾山
燕子待月看梨花
石磴埋幽蘚香櫺護綠紗
侍兒多解事古鼎煮新茶

呈胡石塘

相忘只白鷗坐久動詩眸
舟過水痕見月來
山影浮獨伶此子景
着得許多秋寄語王摩詰
還堪下筆否

寓歙

出門無語者還坐
柰愁何雨勢連村暗
秋聲入夜多生涯驚
濩落客路笑蹉跎
政作月林夢涼風一鴈過

谷柯敬仲

車馬踐春草泥途步孔艱
思詩忘立雨見畫欲歸山
好景亭

亭外芳年卒卒間美人隔秋水竹下畜雙鷗

秋曉

徐伯通

曙色微茫見山光慘淡分鷲鳥繞殘月孤雁叫寒雲世事漸
無補京華喜有聞踈慵忘出處况復久離群

送汪仲罕之衢州知事

見說三衢好民淳郡事稀官曹多故舊幕府有光輝兩歌長
溪急烟消遠樹微明朝一壺酒臨別重依依

遊仙岩

溪水碧溶溶東南嶺衆峰斷崖蒼蘚合深塢白雲封幻世真
堪厭仙蹤不易逢何年傍西崦結構遂踈慵

喜白髮為師復作

張子東

白髮人皆惡惟君獨喜之衝冠危立雪垂領乱成絲柱下

周典山中采漢芝紛綠髮者能與若人期

次韻賦靈壁善真仙石

玉質孕坤靈真仙小幻形光芒浮赤墻標格出青冥閱世今
猶昔看人醉復醒點頭如有意笑我髮星星

寄張孟循夏伯成名章

萬里觀光去逾年哭母歸松楸新覆隴冰雪舊縫衣秋露溥
溥下寒雲悄飛感泉知有淚莫遣寸心違

城安驛謾興

胡伯友

驛館停孤棹漁家住隔溪秋天双隼健寒木一鴉啼雲色知
風起沙痕見水低回看汶上月落在嶧山西

淞江舟中名晉方德昭

夜發桐江棹平明過富陽自緣潮退急猶類馬行忙海氣曉

如霧岸花秋未霜錢塘引東望塔寺見微茫

薄俗

薄俗多忘舊誰能我重輕老嫌無酒量狂喜得詩名
檀冷芹香在庭春草意生江湖終浩蕩當與白鷗盟

弋陽與高本齋話舊因憶在清漳時與今孫御史
相聚之樂此會何時可繼本齋與余有丹丘之

約二首

葉仲輿

有懷愁若積相見抱還開但覺會為樂那知別又悲
葛陂溪上石芝谷逕中苔歲晚烟霞約相期拄杖來

忽憶清漳聚追隨極勝遊仙岩春晚宿官酒夜深留
昨事驚如夢浮生信若漚故人在天上還念兩生不

山中櫟

董鑑翁名自明

祇為堅多節窮山棄若遺由來非世器可復怨工
師斤斧終無及風霜耿自持猶堪依立社祈穀濟人飢

迢晚阻風

江彥章名文顯

石塔前朝寺維舟試一遊四山齊古木六月似涼
秋客路畏逢雨禪關忘却愁篙人報潮落風順轉帆頭

約仲敬仲得嘗祀

余正卿名昌號雲澗

短憤杖青藜山中曉露晞春深畦壤潤雨後祀苗
凡掃徑迎三益呼童啓半扉昨霄燈下約幽賞莫相違

王裕齋僉憲自饒回宣為附至家書始知牀父

病起

王州達名仁

千里平安報來後使者車何知三月病始見數行
書易藥雖堪喜常餐恐未如遠遊知自愧俛首淚沾裾

寓宣城書室晨起喜晴

斗帳明初日冬來暖更晴梅簷春意重云閣曉寒輕
咸暮入千里家貧客半生白頭應倚望直欲問歸程

紀事

程子正

名養全號正庵

公退已黃昏紅塵息駿奔有書閑教子無客靜閑門拾菜供
朝膳携琴貨晚尊向來經濟意鬱共誰論

送從姪祝如原赴石門山長

祝彥祥

名義

別我遠之官驅車赴石門贈言當勉勵期尔早騰
譽業進人逾敬官卑道甚尊令名思欲果豈必在晨昏

溪上晚興

陳升華

晚寒江色靜落日湛空明可愛無塵滓真堪濯俗
纓行歌綠水曲來聽扣舷聲不學垂綸者徒希世上名

餞萬仲宣往西涼軍中

烽舉初聞警軍行又負戈去愁關塞遠歸愁歲年多實為親
情重其如別思何相期立勲業壯志勿蹉跎

晚雨

何夢桂

嚴陵人號潛齋

已當天色暮况復雨霏微落葉元無定因風更自飛壯心欲
客枕寒事到征衣明日臨晴霽黃化看晚暉

東歸

王靜得

名夢應

一揖仍為別他鄉復避兵客隨風雨老春著鼓鼙輕宇宙關
何事艱危得此生門前一溪水幾日到江城

甲申元日

上日仍漂寄尊前客又非鄉心眠聽雨病骨晚添衣街鼓春
將動簾燈寒未歸梅花經一雪幾片不曾飛

龍山寓舍

潘心月

名鎮浦城人

春烟蔽碧樹碧樹更蔽鴉浮世誰非客安居即是家柔風行柳絮淡月吠池蛙無以娛慈母籬邊種菊花

括蒼道中

野路草牽木澗橋人渡危旱田禾穗短閨月桂花遲紅樹秋原冢青烟野竈炊西風吹客鬢愁絕欲成絲

冬日山居

一犬護柴扉牛衣晒短籬梅花村巷酒風雪野橋詩屋小雲分住家貧鶴耐飢莫言霜逐滑世路更崎嶇

河源院

老僧無曆日黃落識窮冬林晚風欺竹山晴雪洗松古藤扶敗壁虛谷應疎鐘月窟寒泉碧人言昔有龍

仲實韶父見訪有詩奉和

年獻之名嶽陵陽人

重臆嫌卑濕那堪暑雨稠拋書事藥裹高枕聽溪流何用據孤憤唯宜號四休誰能訪生死天際有來舟

和袁德平

薛宗海

世路不可涉風霜苦見侵園廬長入夢歲月易驚心木落秋容瘦雲昏雨意深登樓試長望烟水晚沉沉

搖落

搖落歲華晚蕭條門巷空黃花數點雨紅葉五更風挽鏡徒催老耽書謾得窮親朋頓乖隔幽意若為同

竒余希聲

寄語中林友相思又幾朝書雖為路阻夢不怕山遙風定落花漫雨深青草驕人情諒難必不似往來潮

枉渚

枉渚倚孤棹意行隨杖藜鷗邊魚艇小牛後牧童低秋色多
因樹寒聲半是溪何當買茅屋此地卜幽栖

和伯雍夜坐

月落夜方半江空歲又闌浮生知易老久客欲歸難漏靜忽
聞笛樓高誰倚闌呼燈更小酌起舞戲盤跚

秋感

毛靜可

宇宙百年身江湖萬里心世情高枕遠詩味閉門深白髮銷
窮達青山傲古今情知秋亦客何事感秋吟

野宿

歸恨逐春深遲休欲縮程遠山何處碧落日故鄉明路改柴
門僻村空石磴鳴乞蔬仍買米一宿尚營營

重九二首

釋天鏡名原瀨雲問人

舊日重陽節昨尋麩米春忽驚時到眼已覺老隨人白髮雖
多難黃華不厭貧登高本無意蹤跡媿如塵

故舊俱淪喪人情轉更難馳逢九日空落是今朝把菊誰
為醉囊裏與自沽江外歎無賴風雨暗添蕭

寄揚州朱隱居

釋古明名靜

何處風篁好社路匪遙水光清暑簟化影亦闌橋座客分
詩卷鄰姬浣酒瓢誰懷無可贈春夢過指團茗

宿草堂二首

楊煥然

百頃逍遙遠千年羅什家荒林蔽屋小細徑逐溪斜老檜今
何在瑞蓮春自花山靈憎俗駕朝暮白雲渡

廢寺人蹤斷幽溪野性便魚須分浪細霜跡印沙圓馴雀偷

僧飯飢蚊破客眠
蘇芹吾豈敢直欲斲山田

寄商夢卿

無窮唯永日有盡是流年
白髮誰能免再經恐妄傳會心人
健否到處冢纍然
衣風波地方思萬里船

河道村

官路人家少邊城驛使頻
季鷹終去洛王粲近歸秦
天地群龍闕泥沙尺蠖伸
親朋應笑我頭白傍風塵

寄朱生

不知朱記室歲晚竟如何
老舅家誰托孀親髮已皤
林泉憂患少京國是非多
為客幾時了悲涼彈劍歌

留別儒禪

溪行魚不畏岩宿虎相隨
怕客談新事
主人誦舊詩
納輕聊

覆體米滑欲翻匙
僧臘知餘幾
霜鬢已四頰

謝顧副言問疾

久謝公家事時勞長者車
可怜新病後未覺故人疎
渭北偏饒夢河南近得書
相忘吾豈敢欲出怯籃輿

訪耿君玉隱君

居幽穿洞府岸狹束溪流
細徑隣翁熟心涯遠客愁
橋明山月上
幽暗野雲浮
世事何曾到
年侵亦白頭

兩夜二首

關河隔千里筆硯寄餘生
老覺鄉心重開知世念輕
微風搖竹影細雨簌簌落
魄緣何事吾今不用名

凶秋風獵獵簷夜雨頻
蛩韻愁於我燈花笑向人
此身猶在洛何日定歸
不必黃梁熟真慚白髮新

未歸

渭水遙通洛函關近隔秦百年垂老日千里未歸身夢寐
為客妻孥不諱貧一官無可戀花氣五陵春

答京林文季昆仲

何處音書至劉家好弟兄科名先世在詩律早年成嶺北饒
風雪淮南困甲兵論文吾有意尊酒阻同傾

飲山家

為愛春風好乘時把一盃百年雙眼在萬事寸心灰花向坐
中落客從雲外來詩成無紙筆書地惜蒼苔

浮生懷裕之

漢節飛雲外秦城落照邊浮生空自老歸計定何年淚滿陳
蕃榻心遙祖逖鞭短詩聊遣興羞向故人傳

晚至青口

長年困行役短髮易飄零世事驚春夢交親散曉生燒痕侵
路黑柳色夾堤青落日明霞底原情動鵲鴿

撫州

北界連南界昌州又撫州月明魚泊夜霜冷鼠山秋為客無
時了勞生有許愁殘年嬰世網吾欲謝溪鷗

青峯寺哭燦然弟

長別惟生死難忘是弟兄但吾今到處想汝昔曾行鄉社三
年阻兵戈一夢驚青山風雨夜此去更傷情

至滑州堤

舊事悲存沒殘年厭往還孤城晴雪底双塔暮雲間馬沒長
津在龍歸老井閑隔林青數點多是澹州山

出鴉路宿北石橋

燒火連山暗春雲出谷遲避人投野店繫馬就疎
維舊宇頽垣在新愁客枕知清明無幾日細與數歸期

宿南石橋

江流平入楚山勢遠連秦岸柳猶含凍溪花欲破
春石街車轍古沙印虎蹄新晚境長為客空山不見人

承德亭見訪

世事元無定人生只合閑君今悲白髮我亦負青山廢郭官
居冷荒年旅食慳取憐情義厚朝至暮方還

次谷正卿二首

客愁青鏡裏歸夢白鷗邊故國人在新秋月又圓米鹽逢
此日詩酒負殘年長羨平林鳥雙飛入暮烟

何人依玉樹有客隱金華老覺身為累時勞夢到
家且騎山簡馬誰識子陽蛙日暮秋風起飛塵滿畫叉

次谷伯直侍郎二首

家貧餘四壁地勝接三鄉才賦狂司馬形容老遂
良畫眉後尔闊舞袖為誰長生死交情在書紳示不忘

升斗貪微祿關河隔故鄉詠歸懷靖節知是愧張
良不問黃金盡猶憐白髮長江湖風浪急相响勝相忘

淘、何時定飄、著處鄉音書黃耳絕兄弟白眉
良晚景情偏重空宵語更長舊游零落盡別後實難忘

泊舟老鸛菴

來、風生菡浦、月印沙船頭平壓浪掉尾旋成
死老去長為客愁來轉憶家双栖疎影裏羨殺柳橋鴉

冠氏留別趙帥

主人情爛熳客子自奔忙不見猶頻夢相逢合斷腸秋涼拋
藥裹夜雨倒壺觴回首高城比幽燕去路長

送靳才卿之平陽

却向他州去蕭蕭雪滿簪立園初到眼兒女摠關心分水野
烟白霍山寒霧深得歸之更好吾亦愛秦音

呈君美

上陽門外路日暮獨歸時齒髮衰謝風塵仍別離斷雲橫
紫閣急雨掠蒼陂地勝饒新句君將寄阿誰

得邛大用書復寄

百年真夢寐萬國久風塵老去偏相憶書來恨不攜季鷹猶
在洛王粲未歸秦谷口知何似他時願卜鄰

揚飛卿

吾宗又零落之于亦中年紫邏堪高臥玄經擬共傳前言非
戲尔舊處想依然留著新詩筆教隨過海船

文紀行贈以小步馬

洛水西頭路桃花夾岸香偏宜紅叱撥小試紫游韉雨徑沙
初斬春山草正長杖藜猶過我此別莫相忘

懷同祖卿

東府倉皇別西河迤邐回元戎期坐嘯上客入行臺夢裡惠
連句生前張翰杯龍池清似染應恨不歸來

答張君美

我無茅一把誰有橘千頭應物機仍拙憂時涕欲流謾違魚
鳥信豈為稻梁謀老去輕三仕詩來抵四愁

宿重陽宮

村落到山盡軒窗臨水多野禽如舊識隣叟
官竹籬疎補女蘿夜深眠不着倚杖看星河

病衰

病骨秋增痛衰容日減華臉霞憐竹葉鬢
何及歸程望轉賒少年歌舞地此日屬誰家

客懷

此生何坎壈終歲客他鄉病骨驚秋早愁心
豹隱龍略豈應鳥揚磨滅餘方寸還同百鍊剛

送定海許縣丞

蛟門佐邑滿南去候庭闈雨露隨花綬雲雷
已著色養舊無違萬里滄溟月清秋作伴歸

贈李仙姑

何年萼綠華采降地仙家花擁青鸞節香隨
雪月玄想結雲霞不赴瑤池宴桃開幾度花

汨汨

汨汨在塵埃羈懷不暫開病將顏玉去愁洪
高蹈扶顛乏大才行藏成兩失回首有餘哀

春日海村

門巷絕輪蹄春深綠草齊風光不相負泉石
花氣移床避燕泥時時得佳句自向竹間題

寄鄉親濟陽公

身遠鄉情重途窮客病深參苓頻在眼桑梓
夷俗含凄效越吟自從遭喪乱辛苦到如今

漸相過林靜

鶴年

如菱花往事嗟

識夜長文章非

避絲衣賢聲今

白鹿車清輝迴

髮絲來招隱慙

且幽棲捲幔通

最關心居簡便

登北固山多景樓

風月無邊地乾坤有此樓城隍山北固潮蹴海西流眼界寬
三島宵衿隘九州堦前遺狼石誰復話安劉

涵清軒為慈谿懋上人賦

止水繞盈掬涵空有底寬玉壺秋影淨金鏡
晚光寒落月斜沉白流霞淺浴丹上人方宴坐司觀中看

送濟古舟新古銘往流沙草堂寺度夏

吟遍赤城霞行入浣花為人無芥蒂留客
有茶瓜寂寂先賢宅堂古佛家老懷因二妙亦欲製袈裟

慈谿報國寺度夏寄甬東椿上人

一徑野雲深僧闕闕綠陰雨腥龍出澗風勁
虎過林澹泊資禪味清涼養道心三生如不昧石上一來尋

幽亭寄傲

葉景南

門掩晚風輕庭環澗水深醉吹風裏笛靜鼓月中琴黃卷知
興廢青山閱古今又忘塵俗事偃息夕陽林

次韻賈逢原見寄

不成驚世事媿讀古人書老去功名懶貧來故舊疎白雲生
戶牖明月宿庭除亦有無心者携琴訪逸居

感懷

天步艱難日人情向背秋慙無醫世術喜免抱官囚發憤尋
青史消愁數白鷗草廬諸葛輩幸出為時謀

九日

霜重鴈初飛江空蟹正肥黃花經雨瘦烏帽任風敲滿飲王
弘酒豪吟杜牧詩東籬多感興况近夕陽時

送天台僧雪中入杭
杖策路迢迢、經年別石橋。厭聽方廣磬，去看浙江潮。雪透麻
鞋冷，雲和布衲挑。舊時清隱地，月落故山遙。

贈備真羽士

道人容貌古，縹緲隔烟扉。采藥穿雲去，尋真跨鶴歸。久嘗芝
朮味，慣著芟荷衣。拍手雲峰頂，相招上翠微。

落梅

一夜東風急，南枝數片殘。何人吹玉笛，獨自倚朱欄。落地魚
鱗薄，尋香蝶夢寒。醉眠花樹下，偏得壽陽歡。

贈宦遊張平林

乾坤英氣客，湖海倦遊人。看鏡始知老，見心寧話貧。功名驚
壯志，琴劍誤閑身。何日秋江上，清波洗宦塵。

山居即事

吟榻障松屏，岩扉護竹亭。臨風梳白髮，對月讀黃庭。洞古千
尋碧，峰奇萬疊青。彈琴坐雲石，頻羨鶴來聽。

日暮江村雜興

杖屨陟崇丘，絲綸釣淺洲。衝煙遊野寺，翫月上溪樓。屢訪雲
林鶴，閒盟沙路鷗。漁歌音調美，聲撼半江秋。

遊山夜宿僧寺

翠袖倚天風，雲封路萬重。屢登猿嘯嶺，頻撫鶴巢松。漁唱孤
洲曲，僧撞半夜鍾。山空禪榻冷，月上礙星峰。

客至

有客過山家，停驂暫稅車。旋沽徐邈酒，新煮玉川茶。命子開
東閣，呼童掃落花。殷勤話疇昔，握手入煙霞。

晚興

蝸舍水雲鄉，巢栖蝶夢長。竹遙丹鳳舞，松撼翠蛟翔。鶴影深秋瘦，蟾光半夜涼。自慚無汗馬，牛背度斜陽。

吳江晚泊

釋道原名宗衍

風壤三州接江湖，水分虹消滄海雨。日落洞庭雲客意，終難盡漁歌實飽聞。長思陸魯望，不出可忘君。

秀州東郭舟中

自在眠沙鳥，參差入郭舟。山林吾計拙，天地此身浮。曉氣成雲住，晴波雜霧流。攬衣疑厚薄，十月暖如秋。

東許廷佐

釋立中名元本

近聞新出處，水北古招提。鷓鴣凌塵出，驊騮碩主嘶。失弓還問楚，抱瑟謾過齊。道上將軍樹，詩篇莫浪題。

懷歸

憶昔口兵戈際，艱難覲省歸。庭闈歡進酒，弟姪戲牽衣。慈竹春陰合，萱花夕露微。即今懷父壠，祭掃久相違。

閩門晚歸和韻

釋法智

郭外罷持鉢，晚涼歸路幽。鼓鍾烟際寺，燈火水邊樓。藜杖苔痕濕，荷衣月影浮。禪翁歌白雪，才薄愧難酬。

和烏繼善知縣韻二首

張惟中

每羨萍居賦，何須梁甫吟。看花妨病目，種柳愜初心。秋色風雲淡，江流日夜深。抱琴如有約，鳧寫幾時臨。幽居山不遠，嵐翠日雲霏。鳩杖憑誰策，烏巾對酒揮。松枝霜後勁，梧葉雨中稀。未欲論榮悴，先過竹下扉。

謝節婦

世道有升降綱常無古今因知謝母節不愧衛姜心白髮風
霜又清朝雨露深高堂為稱壽靈鷲過花陰

文翰類選大成卷第四十四

